

docriver 文川网
古籍书城
入驻商家
在文川网搜到古籍书城 苏城更多电子书


中國方志叢書·華北地方·第五五六號

據 民國：楊渠統等修，王朝俊等纂
民國二十四年鉛印本

影印

甘肅省

重修靈臺縣志



5620/12
成文出版社有限公司印行



10107806

中國方志叢書·華北地方·第五五六號

據

民國·楊渠統等修，王朝俊等纂
民國二十四年鉛印本

影印

甘肅省

重修靈臺縣志



5679/12

成文出版社有限公司印行



10107805

中國方志叢書·華北地方·第五五六號

據

民國·楊渠統等修，王朝俊等纂
民國二十四年鉛印本

影印

甘肅省

重修靈臺縣志



成文出版社有限公司印行



10107807

docsriver 文川网
入驻商家 古籍书城

在文川网搜索古籍书城 获取更多电子书

中華民國六十五年 月壹一版

重修靈臺縣志

全三册

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重修靈台縣志序

縣志者國史之餘且所以備輜軒之採焉其間山川人物風土政治以及忠孝節義田賦戶口各紀載體例雖有不同而其徵文考獻援據借鏡實則一致耳我靈志乘始原創於前明夏縣張公繼補成於清初龍谿黃公迨後三百年來從未續修凡屬文物典章已湮沒其無幾加以同治兵燹檔案全燬前次之掌故實皆泯焉無聞統於肄業小學時即徵求舊志參觀既往借全縣僅有一二殘本率玄欠闕簡而未詳斯一縣之文獻其命脉不絕者如線彼時身未任國家社會諸事尙於此甚不加意民國二十三年春統因事旋靈詢知修志之舉已閱有十餘年矣屢因環境驅迫費無從出雖有其事實未着手纂輯若再延誤老成凋謝更恐難施鉛槧焉所幸張縣長東野先生熱心希古興舉一切統即捐俸千元商同督修並請王杰丞張明新二先生爲編纂董編其成刻日採訪努力進行閱八月而全書脫稿復組織編審委員會由全縣鄉賢區長士紳合議審定免有遺漏傳誤之憾又經兩月始蒞其事是年十一月杪統因奉命東開便道旋里遂披覽一過見其以方輿圖官師表風土志人物傳列爲四帙以沿革疆域職官選舉田賦戶口孝義節烈等都爲二十八綱又且分門別類因其近似者而附有四十六目夫舊志之修成於清初其當殘

破之餘加以擾攘初定之際倉卒成就未免略而不詳訛而鮮當茲於舊志之缺者補之繁者芟之舉前之包羅未盡後之焚燬無存者悉必竭耳目心思之力旁搜遠徵不厭求詳又凡有關於殘碑斷碣之文摹拭必錄藉資考據斯舉三百餘年來之廢墜以成一代之文化掌故豈僅綱舉目張有條不紊爲是志之能事哉且是志之後附有靈臺專集由張縣長東野主編恢復數千載之盛規內多全國要人贈詩題字并古蹟風景人物照片百餘幅聲價更高故此志與靈臺雖名重修其實皆創修也抑雖諸鄉賢苦心孤詣纂修之力蓋卽東野先生熱心提挈昌明聖蹟守土職責之功也因爲之序亟請付印統雖行矣心猶耿耿焉而望其成時在中華民國二十三年歲次甲戌十一月杪日

陸軍新編第五師師長隴東綏靖司令邑人楊渠統子恆甫序於靈臺旅次

重修靈臺縣志新序

國有史邑有志由來尙矣然作史易而作志難何也蓋史特設專官以掌之卽時代遞嬗風雲擾攘而金匱石室之藏依然也志則徵文考獻以成紀載乃守令之責然非其人莫屬也史才寥寥求之豈易非困跡於簿書卽遜謝於未遑遲之又久而典章殘缺老成淪亡卽具子長之博雅孟堅之典賅亦將舉措茫然矣靈臺縣志自明神宗時知縣張鳳池始爲創修區區僅有一卷體例未全挂漏滋多而聊勝於無不可謂非僅存之碩果也旋遭明季之亂流寇陷城凡舊日之典章文物縣署之冊籍檔案均被焚燬又四出劫掠徵求苛煩人民供億不堪死亡逃徙村里爲墟清初綜覈戶口合縣所存男婦僅共千餘人耳遭禍之慘未有甚於此時者順治九年冬黃君居中來縮靈臺下車後日擊城郭之殘破市井之蕭條慨然有志興復遂修城浚池置文武衙署建立郊壇廟宇并辦團練籌捍衛又呈請列憲督徠薄賦體恤撫綏以招集勞徠五六年間草創略備乃於十五年春復集合士紳重修縣志亦略具椎輪卽今所存之舊志書是也蓋當時荒涼滿目諸務苟簡黃君獨能披荆斬棘毅然以纂修自任亦可謂錚錚佼佼卓爾不羣者矣雖其間節目疏闕不無簡率之病蓋其意以爲事莫難於創始倘有人焉力任艱鉅以爲之先則後之君子或

能踵事增華將以蔚爲大觀不難矣詎意自黃君修後迄今近逾三百年更無人起而修廢舉墜從事鉛槧以屹揚盛業使三百年來之忠孝義烈文人畸士竟湮沒而不彰者何可勝道邑紳王君杰承余之舊日大同年友也志存續修旋因改革後國步多艱有志未逮民國九十兩年間君又呈請歷前各任督率編纂已遴派專員分赴各里採訪矣嗣以費用無着中止良可慨也十九年夏余添攝縣事抵任後卽徵求志書僅得一部板已剝蝕漶漫強半模糊莫辨魯魚更求其他僉曰此卽魯殿之靈光唐恪之顯慶也余撫然者久之遂進杰承君而勗之曰此志未修近三百年固守土者之羞抑亦士紳之咎也日今上憲徵志方殷君固夙抱著作之才存續纂之志倘不及時編集以備一邑之憲典恐過此以往舊志有散佚之虞父老無傳信之人不特此三百年來之名宦政績鄉賢著述與夫孝友義烈之風規舉而歸諸渾噩榛莽中卽凡山川之形勢疆域之沿革戶口之多寡賦役之煩苛以及風俗剛柔關津險夷古蹟形勝土性適宜並其教育實業交通利弊之種種變遷或皆流入於無所資考吏斯土者將茫乎若迷且邑之後來英俊亦何所藉以感發而興起也斯舉顧不重且大哉君亦慨然以重修爲己任惜余未觀厥成遽爾解組以去寸衷耿耿時縈寤寐茲特幸續志脫稿遠道寄觀見其綱舉目張洪纖悉具不勝踴躍三百爰卽其始末而詳書之俾弁簡端以昭來茲豈徒靈邑之幸亦卽余之所深幸也夫


中華民國二十二年歲次癸酉秋七月前代靈臺縣長長武高維岳步松甫撰

重修靈臺縣志

新序

二

南京京華印書館承印



靈臺縣志張原序

不穀鳳池從戊申二月承乏茲土入靈卽問志咸曰縣從來無志祇附府三葉許遂私心病之每朔望談及此闕乃師友卽懇余爲創余產夏繼以內習聞克儉之風豈不憚此之爲費哉第有益則甯費勿憚又甯費在官勿在民也遂以是屬學翰與弟子員余顧敢怯寡味憚督率裁決之爲勞耶乃謹就師生彙復搜故實益新的會源委稽異同酌豐約剖疑似綴遺漏紀載有敝得失有論分門別彙撮要採精始頗頗就牒然總之以實覈實弗法而惟弗敢法是故徵茂宰治績而獄慎實徵山川巨麗而形勢實徵累朝人氏考而忠孝節義實以至氣運災祥民情榮悴暨種種科條無一敢捉風影匠胸臆邀巨貝趨太阿而以失吾實也自是千百世後一吊古而考實能以吾筆爲懼乎若按吾實而採吾華吾弗能華志成乃進士民而謂之曰是志之創甯獨備爾靈之文獻益爾靈也將使其教爾者因財質之宜爲啓迪之術可以作人矣有牧爾者肆剛柔之習達寬猛之方可以立政矣卽時而有觀風爾邑者聽淳疵之音盡節宣之道可以貢俗矣行將士習民安風淳俗美謂不秦山增麗密水添綠者未也所藉益於爾靈弗淺也費之宜也卽捐俸吾奚憚焉

明萬曆三十七年夏五月靈臺縣令夏縣巨川張鳳池撰


重修靈臺縣志朱原序

郡邑之有志猶家之有乘國之有史也雖其體製洪纖詳略不同大抵考廢興稽沿革辨貞淫存法戒足以徵歷代之盛衰見一時之得失其事裁而該其詞嚴而覈一邑之事視之猶一家也而米鹽絲枲播植物產之宜無不舉推之卽一國也而則壤成賦水旱氛棧之條無不備官司守其器庶民遵其俗變通有稽焉補裒有術焉憶此志之不可以已也按靈臺爲古密須國其曰鶉觚曰陰密曰陰盤曰梁原皆隨代易名析置不一其地錯於邠隴涇岐之間意其人民謠俗猶有三代秦漢之遺風遭明季亂離數罹兵燹典章散失文獻無徵皇清在宥縣寓更絃沐浴新化亦既有年矣固定方黃君以名進士來令靈臺迺首葺宮修舉墜典以詩書俎豆課士以飲射讀法教民旣數年政成人和登覽詠歌之餘慨然興歎曰邑而無志後嗣何觀世遠事湮時勢不同不有與釐猶無志也於是與邑之文學掌故耆民秀士討求故實網羅逸聞損益時宜參考舊貫勒成志書四卷以辨疆域奠城社稽土田均力役則禹貢職方之編也以原山川察庶類敘官師表人物則河渠食貨列傳編年之體也以載醇修闡幽節摭遺文考詳異則儒林文苑高士烈女天官五行之書也他如詳分隸以杜鄰役之擾招流移以實土著之籍開盤口以引鹽車之利及先

後條陳凡有關於邑之興革者皆附焉嗚呼志也而史法備矣黃君之所以汲汲於斯其爲慮豈不深且遠哉今運當開闢聖君賢相偉績豐功猛將謀臣奇猷祕畫耀史冊而勒旆常者何可勝紀顧起居日錄之官未備金匱石室之藏缺如至議及前代政事理亂人材臧否是是非非可以資訓典垂殷鑒則莫不以爲迂闊不急之務究令裨官野乘居然竊董狐之權而褒貶不公流傳失實嗚呼豈其視天下國家之事反不如一邑之切也毋亦承明著作之庭未有擴昭曠之觀宏遠大之慮如黃君其人耳使黃君異日者秉橐籥筆則其用心又豈出於茲邑後哉或言靈臺之有志實肇於夏縣巨川張公非自黃君始也曰否夫言有作有述而事有創有因張公在萬歷年間紀綱修明文物大備雖曰作而事多可因黃君值兵戈甫定藝文灰燼故老稀存雖曰述而事多主創故張公遭其易而黃君倍當其難張公之未備賴黃君而始全黃君之獨裁不因張公而後著也先是余攝分巡事履畝過其邑則見衆巖列秀溪流環之一峯聳然獨峙號曰臺山邑治踞其上臺以靈名良由此也余別黃君詩有縣古桐清宜引鳳臺高露迥任飛鳧之句治狀形勝大略可觀黃君因和余詩併鐫入密須咏中乃知勇於譔著如此固宜是志之越前賢傳來禊也余又何幸託琬琰之編共勒不朽哉

清順治十有五年戊戌春三月朔

欽差整飭固原兵備道陝西按察司副使豫章進士朱徽遂初甫饌




docsriver 文川网
入驻商家 古籍书城

在文川网搜索古籍书城 获取更多电子书

重修靈臺縣志李原序

古聖王之治天下司民協孤終司商協民姓三載考績則諸侯負版以朝王乃念敬我衆哀冕臨軒以受之十年令戶版以登民數三代而後惟漢近古爰稽其制郡國計吏先上計於太史後以其副上丞相御史誠以生民之寄必與二三司牧者按圖共計之自昔然也後世稽古制治代不一規太抵冊府重精微職方按輿考散至省州縣非各有圖誌則何以存憲綱重保釐也余以司空郎出守朔那值我清定鼎之始於時草創百務苟簡樂冀仁賢博洽之儒相次釐舉而靈臺黃令英年甲榜來蒞茲邑敬能以忠善損怨狎其民人行之三年而政不擾民不偷且各盡其力也乃進邑士民相與考正風俗詳核古典刪略繁蕪編摩簡勁就舊誌而增修之書成乃就正於余余顧讀而歎曰美哉洋洋乎殆昔人所稱瞻而不穢詳而有體者乎此正余向欲與諸賢相次釐舉之至意也於以下備冊府職方之考上報聖天子賢相之求皆可按籍而得矣因忘其蕪陋弁言于其端


清順治十五年戊戌春中憲大夫知平涼府事大興李遇昌元感父題



重修靈臺縣志黃原序

壬辰冬居中承乏靈邑購求縣志因兵火之餘版章焚燬思續貂之未能也丁酉春奉督學秦公憲檄徵志復遍購之紳衿里老僅獲殘半按舊志創修於前令張巨川迄今五十餘年矣時異勢更沿革廢興每多感慨係之顧余自知弁鄙胸未通古今之學目未見天下之書何敢剖判百家採摭羣言而把三寸弱翰以竊名於一日况邑志褒善箴惡紀績勸世風俗之淳澆財賦之盈縮政治之得失咸於是乎係焉雖曰述而不作前人俱有論斷大義其粲然矣引而伸之芟夷煩亂剪裁浮詞懼簡略而無當也迺憲檄徵書當版章遺失之後不揣固陋刪其浮泛補其闕亡圖方輿著沿革譜風俗紀古蹟至於建置秩官賦役利弊以及人物節義僑遊災異咸不敢忽而略之又不敢不以實錄也蓋踵其事而增華變其本而加厲因時損益難可詳悉今即補輯舊章彙次成帙而何辭於弁鄙之誦哉

清順治十五年戊戌仲春靈臺縣知縣黃居中書於密須公署



序

潛山張東野撰

國史所以明治亂興亡之蹟縣志所以紀風土人物之情國史爲縣志之總匯縣志是國史之源流二者皆所以示後世傳不朽留爲世間法之考信也然縣志之作難矣不難於其人必難於其時有博識好學之人而時不可爲也則固不可時而可爲而無博識好學之人則尤不可故紀言紀事之文可以藏之金匱石室偉業丕著令典昭垂此豈苟簡所可從事哉蓋一縣之山川河流名勝文獻制度典章風俗古蹟與夫忠孝節義闡發民族之光輝表揚國粹之精神罔不詳搜博採志之其中其責任與關係之重大有如此者東野半生戎馬學識荒落何敢倡修一代之信史只以濫竽邑事兩載於茲貴之所在不敢忘荒心之所知焉忍袖手原于民國二十三年秋提倡重修文王之靈寢詢知靈志已三百年失修民初至今雖已設館興修但屢修屢輟念年來皆未得成乃不禁相與嘆息欲續修之適邑之間人楊子恆先生暨邑之志士仁人均皆有志於此議以續修爲請於是籌款開館徵稿仍聘王君杰臣張君明新爲編纂復聘張明新賈從衆張馨如杜逢春關子高張倫五梁俊卿薛茂蔚姚達丞劉肇漢左雅儒關維藩苟鴻山多昆山董仲仁薛得霖曹生瑞朱錦堂梁國輔杜生麟楊耀叢杜培基汪頃波李洪都諸君暨合縣各界知名之士

與區長等二十餘人組織編審委員會缺者補之誤者正之體制咸宜不涉虛張諸編審鮑學宏文襄貶筆削主持正大稿成尤恐間有不妥復請陳迺疆汪頃波二先生加以審核蓋欲免咎戾於萬一不得不敬慎其事也志內有靈臺專集二本爲余集重修靈臺題字序跋并影照風景古蹟而成之者恢復往昔之盛德補充靈邑之文獻使數千年歷史文化之聖蹟與宇宙得以同存令人想見姬周盛治而發思古之幽情此實爲余引爲平生快慰之事而亦邑士紳父老之所樂許也因刊印有日乃書數語聊以紀實文之工拙未遑計焉

中華民國二十四年秋七月中浣

重修靈臺縣志人員姓名表

倡修

陸軍新編第五師師長隴東綏靖司令 邑人楊渠統

靈臺縣 縣 長 潛山張東野

前署靈臺縣 縣 長 洛陽張文泉

前署靈臺縣 縣 長 長武高維嶽

隴東綏靖司令部特務營營長 邑人杜耀宗


編審委員會委員姓名

張明新

杜逢春

張達道

董曹杜姚陳張賈李汪梁張左劉賈
發生生達迺少子洪頃邦映雅肇從
榮瑞麟丞疆蘭珍都波彥蘭儒漢衆



上海圖書館

多廷璋

苟俊儒

薛茂蔚

張師羅

薛得霖

關維藩

朱錦堂


梁國輔

楊耀叢

編纂

前已酉科拔貢陸軍新編第五師隴東綏靖司令部參議 邑人王朝俊
前清廩生第一完全小學校教員 邑人張明新

採訪



任炳道
馮炳蔚
薛茂蔚
范立榮
王元弼
張師羅
苟俊儒
張明新
王化育
邊建功
熊入周
曹培棟
賈汝鑫

臚錄

前 縣 兵 站 主 任 邑人 王玉珊

前 建 設 局 調 查 員 邑人 劉漢儒

王尊賢

劉昌明

前 初 級 小 學 校 校 長 兼 教 員 邑人 鄭遇儵

前 初 級 小 學 校 校 長 兼 教 員 邑人 香炳煜


前 初 級 小 學 校 校 長 兼 教 員 邑人 鞏世璉

校對

鐵道部津浦鐵路技術業務改進委員會委員陳迺疆

靈 台 縣 政 府 第 三 科 科 長 汪 頃 波

靈 台 縣 公 款 公 產 管 理 委 員 會 委 員 薛 得 霖



docsriver 文川网
入驻商家 古籍书城

在文川网搜索古籍书城 获取更多电子书

重修靈臺縣志目錄

卷之首

諸序 銜名

綱目 凡例

卷之一

方輿圖

全縣地域圖

劃分區鄉圖

新舊城圖

縣政府圖

武廟圖

文廟圖

隍廟圖

學校圖

營院圖

縣屬八景圖 附詩 古蹟風景冊內

靈臺公園圖

沿革 附圖

星野 附圖

疆域 區鎮鄉村附

山川 河流 橋梁 道路附

城池 公署 堡寨附

學校

風俗 節序 方言附

物產

古蹟 墳墓 烽墩 街方 金石古物附